



U operativnoj akciji “OLIMP” oduzeta veća količina opojne droge, oružje i eksplozivna sredstva

Dana 10.07.2026. godine, policijski službenici Federalne uprave policije su pod nadzorom Kantonalnog tužilaštva Kantona Sarajevo, realizovali operativnu akciju kodnog naziva „OLIMP” na području Kantona Sarajevo”, u vezi s dokumentovanjem krivičnih djela „Neovlaštena proizvodnja i stavljanje u promet opojnih droga” iz člana 238. i „Nedozvoljeno držanje oružja ili eksplozivnih materija” iz člana 371. Krivičnog zakona Federacije Bosne i Hercegovine.

Postupajući po naredbi Općinskog suda u Sarajevu, policijski službenici Federalne uprave policije izvršili su pretres lica inicijala A. S. (1992), kao i stambenih i pomoćnih objekata te putničkog motornog vozila koje navedeno lice koristi.

Prilikom pretresa pronađeno je i privremeno oduzeto približno 4,5 kilograma materije koja svojim izgledom asocira na opojnu drogu Cannabis, približno 400 grama materije koja svojim izgledom asocira na opojnu drogu kokain, pet litara amfetaminskog ulja i približno 30 litara metanola, koji se zajedno s amfetaminskim uljem koristi u proizvodnji opojne droge amfetamin.

Također su pronađeni i privremeno oduzeti jedan ručni raketni bacač „Zolja”, četiri ručne bombe, jedna automatska puška, četiri okvira i približno 400 komada municije, vage za precizno vaganje, oprema za vakuumsko pakovanje, mobilni telefonski aparati i drugi predmeti koji se mogu dovesti u vezu s izvršenjem navedenih krivičnih djela.

Zbog postojanja osnova sumnje da je počinilo navedena krivična djela, lice inicijala A. S. lišeno je slobode, te je nakon kriminalističke obrade, uz izvještaj o počinjenim krivičnim djelima, predato u daljnju nadležnost Kantonalnog tužilaštva Kantona Sarajevo.

Lice inicijala E. I. (1989), koje se također dovodi u vezu s izvršenjem navedenih krivičnih djela, trenutno se nalazi u bjekstvu, a Federalna uprava policije će za navedenim licem raspisati potragu.

Federalna uprava policije nastavlja s poduzimanjem mjera i radnji iz svoje nadležnosti s ciljem sprečavanja i suzbijanja zloupotrebe opojnih droga na području Federacije Bosne i Hercegovine.



ZADNJE VIJESTI

[Bilten za dan 12/13.07.2026. godine](#)
[U operativnoj akciji “OLIMP” oduzeta veća količina opojne droge, oružje i eksplozivna sredstva](#)
[Bilten za dan 11/12.07.2026. godine](#)

KALENDAR

July 2026						
M	T	W	T	F	S	S
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

«Jun